



তথ্যবিবরণী

নম্বর: ০৯৬

## বিভাগীয় মাদকদ্রব্য নিয়ন্ত্রণ ও প্রচারণা কমিটির সভা অনুষ্ঠিত

রাজশাহী ; ২৬ কার্তিক (১১ নভেম্বর) :

মাদক বিরোধী গণসচেতনতা বৃদ্ধি ও মাদকের অপব্যবহার রোধকল্পে গঠিত রাজশাহী বিভাগীয় মাদকদ্রব্য নিয়ন্ত্রণ ও প্রচারণা কমিটির প্রথম সভা আজ (১১ নভেম্বর) সকালে রাজশাহী বিভাগীয় কমিশনার কার্যালয়ের সম্মেলন কক্ষে অনুষ্ঠিত হয়েছে। বিভাগীয় কমিশনার ড. দেওয়ান মুহাম্মদ হুমায়ূন কবীর এ সভায় সভাপতিত্ব করেন।

সভায় বক্তাগণ মাদক নিয়ন্ত্রণে মাদকের সরবরাহ কমানোর সাথে সাথে এর চাহিদা হ্রাসে কাজ করা, মাদক বিরোধী অভিযান বৃদ্ধি করা, মাদকের প্রাথমিক পর্যায়ের মামলা (দুই এক বার মাদক সেবন) সমাজ সেবা অধিদপ্তরের প্রবেশন অফিসারের নিকট প্রেরণ, মাদক বিরোধী কার্যক্রম যৌথ উদ্যোগে করা এবং মাদকের বিরুদ্ধে সামাজিক প্রতিরোধ গড়ে তোলার প্রতি গুরুত্বারোপ করেন।

সভাপতির বক্তব্যে বিভাগীয় কমিশনার বলেন, ডোপ টেস্ট ছাড়া এখন কোনো সরকারি চাকুরির পরীক্ষায় নেওয়া হচ্ছে না। তাই যারা মাদক সেবন করবে তাদের সরকারি চাকুরি পাওয়ার সুযোগ থাকবে না।

এ সময় বিভাগীয় কমিশনার মদ বিক্রির জন্য লাইসেন্স প্রাপ্তদের মদ উত্তোলন এবং বিক্রয়ের তথ্য যাচাই করতে এবং নিবন্ধিত মদ্যপায়ীদের পক্ষে অন্য কেহ মদ ক্রয় করছে কিনা তা মনিটরিং করতে মাদকদ্রব্য নিয়ন্ত্রণ অধিদপ্তরের কর্মকর্তাদের নির্দেশ দেন।

রাজশাহী বিভাগের আট জেলা জেলা প্রশাসক এবং বিভাগীয় মাদকদ্রব্য নিয়ন্ত্রণ ও প্রচারণা কমিটির সদস্যবৃন্দ সভায় উপস্থিত ছিলেন।

.....  
তৌহিদ/আতিক/আরিফ/আলীম/হালিম/১৬:৩০ঘ.